



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1204. Usque Ad Annum 1230

**Fleury, Claude**

**August. Vind. [u.a.], 1763**

**VD18 90118030**

§. 23. Balduini exitus. Henricus Imperator Constantinopolitanus.

---

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII.  
A.C. 1206.

§. XXIII.

*Balduini exitus. Henricus Imperator  
Constantinopolitanus.*

*Gest. Innoc.*  
*n. 106.*

*Gest. n. 107.*

In Romania, cum Franci incursionem in fines hostium prope oppidum, illorum lingua *Russe* seu *Rosion* dictum, fecissent, & a Valachis & Cumanis, quadriduo ante Festum Purificationis nempe vigesima nona Januarii anno millesimo ducentesimo sexto, profligati fuissent, Henricus, Balduino Imperatore fratre suo captivo, Imperii Moderator cladem acceptam ad Papam per literas detulit, summis precibus instans, ut auxilia mitterentur, quod jam ante, postquam Balduinus in vincula abstractus fuisset, rogaverat. Scripsit ergo Papa Joannicio Bulgariae Regi Epistolam, in cujus exordio paternum in eum affectum professus, subjungit: *Certiozem te facio, validum exercitum ex Occidente in Græciam navigare, præter eum, qui nuper ad illas oras advectus est. Quare ut tibi regnoque tuo consulas, pacem cum Latinis quæredum potes, ne si isti te hinc invadant, & inde Hungari aggrediantur, viribus inferior gemino hosti succumbas. Itaque sincera fide tibi suademus; Latinorum amicitia occupa. Nam viam tibi fortuna aperit. Si Balduinum Imperatorem,*

rem, quem captivum tuum esse ferunt, reddideris, rem confectam habebis. *Litteras simul ad Henricum, ejus fratrem, damus, quibus monemus; ne ditiones tuas ultra infestet, si Balduinum liberum praestiteris.*

Sæcul. XII.  
A.C. 1206.

n. 108.

Rescripsit Joannicius in hunc modum: *Cum fama, captam Constantinopolim, ad aures meas detulisset, scripsissetque Latinis, pacem petens, fastidiose responderunt; frustra me pacem sperare, nisi prius Ditiones Imperii Constantinopolitani, armis occupatas, restituerem. Reposui; mihi has urbes possidenti æquitatem multo magis favere, quam ipsis Constantinopolim tenentibus. Ego enim, Sancte Pater, urbes, quas majores mei amiserant, vindicavi; at ipsi Constantinopolim, rem alienam, invaserunt. Præterea coronam a Papa ritu legitimo accepi; verum ille, qui se Imperatorem Constantinopolitanum jactat, eam suo arbitrio sibi imposuit. Mibi ergo plus juris in Imperium est, quam alteri. Tunc igitur Latinis denunciari jussi, me sub vexillo S. Petri, claves gentis, intrepide contra hostes dimicaturum esse, qui ut facilius Christianos decipiant, bumeris fallacem crucis speciem circumferunt. Exinde Latinis arma regno meo inferentibus memet viriliter objeci, Deusque, qui superbis resistit,*

Sæcul. XIII. *sistit, S. Petri precibus placatus, victo-*  
A.C. 1206. *riam supra multorum spem dedit. Quod*  
*ad Balduinum spectat; liberum dimit-*  
*tere non possum, cum in carcere mor-*  
*tuus sit.*

Quippe Joannicius captum ad Ha-  
 drianopolim Balduinum, vinculis onu-  
 stum, & Terram novam, Regni sui Se-  
 dem, abstractum, plus integro anno cu-  
 stodivit. Cum deinde Alexius Aspie-  
 tes, ex præcipuis Græcorum Principum

*Nicot. p. 413.* aliquis, a Joannicio deficiens, ad Lati-  
*Acrop.* nos transfugisset, in furorem actus, Bal-  
*Georg. p. 12.* duinum ambobus brachiis cruribusque  
 truncatum, ex editissimo loco in subje-  
 ctos fentes inverso capite præcipitem  
 deturbari jussit, ubi, per triduum avium  
 rapacium præda, tandem animam exha-

*Ducang. sur* lavit. Alii narrant, Joannicium Bal-  
*Villehard.* duini caput amputari, cranium purgari  
*p. 348.* auroque ornari jussisse, tumque eo ad  
 mensam cum biberet, pro veteri Sey-  
 tharum more, poculi loco usum fuisse.  
 Balduini indoles & virtus a Græcis quo-  
 que ac inprimis Justitiæ amor & castitas  
 laudantur.

Ubi Francorum Principibus consta-  
 bat, Balduinum extinctum esse, Constan-  
 tinopolim convenire statuerunt, Fratrem  
 defuncti Henricum coronaturi; quod  
 in Ecclesia S. Sophia, Dominica post As-  
 sumptionem Dominae nostræ, vigesima die  
 Augu-

Augusti, anno millesimo ducentesimo sexto, executi sunt.

Sæcul. XIII.  
A. C. 1206.

## §. XXIV.

*Ecclesia Latina Constantinopolitana.*

Thomam Morosinum Patriarcham Venetias reversum, & inde Constantinopolim transmissurum, ut Sedis suæ possessionem caperet, Veneti ad promittendum sibi non nullas condiciones compulerunt, quæ Innocentio Papæ minime probabantur. Id enim ex ejus Epistola dispicimus, Ferentini die vigesima prima Junii anno millesimo ducentesimo sexto ad Patriarcham data, in qua dicit: *Scriptistis nobis, Venetos a te extorsisse juramentum; neminem te in Ecclesia S. Sopiæ Canonicum Cathedrali recepturum esse, nisi Gente Venetum, decem saltem annis Venetiis versatum, & si possis, bona fide effecturum, ne aliquis ad Patriarchale fastigium perveniat, nisi Rempublicam Venetam patriam nactus sit. Præsentium vero literarum auctoritate tibi mandamus, ne hoc juramentum serves, quod nullius roboris esse declaramus. Cum Sanctuarium, paternæ hæreditatis more, possideri nequeat, sed, ut Apostolus docet: In omni Gente, qui timet Deum, & operatur Justitiam,*

*Gest. Innoc. n. 98.*

*9. ep. 130. ap. Rain. 1206.*

*Act. 10. 35.*

acce-